



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐ  
ՀՐԱՄԱՆ

No 960-24/2

«30» սեպտեմբերի 2016

**«Խ.ԱՐՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ»  
ՀԻՄՆԱԴՐԱՄԻ ՈՒՍԱՆՈՂԱԿԱՆ ԽՈՐՀՐԴԻ ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ**

Ղեկավարվելով <<Կրթության մասին>> ՀՀ օրենքի 28-րդ հոդվածի 10-րդ մասով՝

ՀՐԱՄԱՅՈՒՄ ԵՄ՝

1. Հաստատել «Խ.Արովյանի անվան հայկական պետական մանկավարժական համալսարան» հիմնադրամի ուսանողական խորհրդի կանոնադրությունը՝ համաձայն հավելվածի:
2. Սույն հրամանը ուժի մեջ է մտնում ստորագրման պահից:



ԼԵՎՈՆ ՄԿՐՏՉՅԱՆ

CSSign

## ԸՆԴՈՒՆՎԱԾ Է

Խ.Աբովյանի անվան հայկական պետական  
մանկավարժական համալսարանի Ուսանողական  
խորհրդի 2015 թվականի հոկտեմբերի 10-ին  
կայացած ընդհանուր ժողովում

## Հավելված

ՀՀ կրթության և գիտության նախարարի 2016  
թվականի սեպտեմբերի ~~30-ի~~ թիվ ~~960-Վ/2~~ հրամանի

## ԿԱՆՈՆԱԴՐՈՒԹՅՈՒՆ

### ԽԱՉԱՏՈՒՐ ԱՐՈՎՅԱՆԻ ԱՆՎԱՆ ՀԱՅՎԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ՈՒՍԱՆՈՂԱԿԱՆ ԽՈՐՀՐԴԻ

#### 1. ԸՆԴՀԱՆՈՒՐ ԴՐՈՒՅԹՆԵՐ

1. Խաչատուր Աբովյանի անվան հայկական պետական մանկավարժական համալսարանի (այսուհետ՝ ՀՊՄՀ) ուսանողական խորհուրդը (այսուհետ՝ Խորհուրդ) ուսանողական ինքնակառավարման ընտրովի ներկայացուցչական հասարակական միավորում է:

2. Խորհրդի լիազորությունները և գործունեության կարգը, ՀՀ օրենսդրությանը համապատասխան, սահմանվում է սույն կանոնադրությամբ և այլ իրավական ակտերով:

3. Խորհուրդն ապահովում է ուսանողական ինքնավարության և ուսանողական ինքնակառավարման գործընթացները ՀՊՄՀ-ի որջ ուսանողության շրջանում, արտահայտում և պաշտպանում է ուսանողության և հետբուհական կրթություն ստացողների շահերը, նպաստում նրանց հասարակական, գիտական, ինտելեկտուալ, ստեղծագործական, մշակութային, բարոյական և հոգևոր զարգացմանը:

4. ՀՀ օրենսդրությամբ սահմանված կարգով Խորհուրդը զբաղվում է հրատարակչական գործունեությամբ, կարող է հրապարակել ամսագրեր, պարբերականներ և այլն:

5. ՀՊՄՀ-ի ղեկավար մարմինների, ստորաբաժանումների, ՀՊՄՀ-ում գործող, ինչպես նաև արտահամալսարանական գիտական, կրթական, մշակութային, հոգևոր, բարեգործական և այլ կազմակերպությունների ու ֆիզիկական անձանց հետ Խորհրդի հարաբերությունները

կառուցվում են իրավահավասարության և փոխադարձ պայմանավորվածությունների, ՀՊՄՀ-ի և սույն կանոնադրությունների հիման վրա:

## 2. ԽՈՐՀՐԴԻ ԽՆԴԻՐՆԵՐԸ, ՆՊԱՏԱԿՆԵՐԸ

### 6. Խորհուրդը՝

- 1) ապահովում է ՀՊՄՀ-ում ինքնակառավարման և ուսանողական ինքնավարության գործընթացների ծավալումն ու զարգացումը, հետևում ուսանողության և հետբուհական կրթություն ստացողների իրավունքների ու շահերի պաշտպանությանը.
- 2) ՀՊՄՀ ղեկավար մարմիններին է ներկայացնում ուսանողության խնդիրները, բողոքներն ու առաջարկները.
- 3) մասնակցում է ուսումնակրթական գործընթացների, ուսումնադաստիարակչական աշխատանքների, ուսանողական գիտական գործունեության կազմակերպմանը.
- 4) նպաստում է ուսանողության ստեղծագործական, ինտելեկտուալ, մշակութային ու հոգևոր զարգացմանը, ուսանողության առօրյայի, հանգստի և ազատ ժամանցի կազմակերպմանը.
- 5) հաստատում է կապեր ու գործնական փոխհարաբերություններ ՀՀ և օտարերկրյա ուսանողական, երիտասարդական, կրթական, մշակութային և այլ կազմակերպությունների հետ.
- 6) հնարավորության դեպքում իրականացնում է սոցիալական և բարեգործական նշանակության ծրագրեր:

7. Խորհուրդը մշակում և ՀՊՄՀ-ի ղեկավար մարմիններին է ներկայացնում ուսանողական կյանքին և ուսումնակրթական գործընթացներին առնչվող հարցեր, տարբեր որոշումների նախագծեր և նպաստում դրանց ընդունմանն ու իրականացմանը:

## 3. ԽՈՐՀՐԴԻ ԳՈՐԾՈՒՆԵՈՒԹՅՈՒՆՆ ՈՒ ԿԱՌՈՒՅՎԱԾՔԸ

8. Խորհուրդը իր գործունեությունը կառուցում է ելնելով իր նպատակներից ու խնդիրներից:

9. Խորհուրդը ՀՀ օրենսդրությամբ սահմանված կարգով կարող է տնօրինել իրեն տրամադրված գույքը:

10. Խորհուրդը ձևավորվում է ներկայացուցչական ընտրությունների սկզբունքով:

11. Խորհրդի անդամ կարող է լինել ՀՊՄՀ-ի յուրաքանչյուր ուսանող, ինչպես նաև ՀՊՄՀ-ում հետբուհական կրթություն ստացող անձը:

12. Խորհուրդը ՀՀ օրենսդրությամբ և ՀՊՄՀ-ի կանոնադրությամբ նախատեսված կարգով մասնակցում է ՀՊՄՀ-ի կառավարմանը:

13. Խորհրդի ղեկավար մարմիններն են՝

ա) ընդհանուր ժողովը,

բ) նախագահը,

գ) նախագահությունը:

14. Ընդհանուր ժողովը Խորհրդի բարձրագույն ղեկավար մարմինն է:

15. Ընդհանուր ժողովին մասնակցում են ֆակուլտետային ուսանողական խորհուրդների ներկայացուցիչները՝ նախագահության կողմից հաստատված համամասնությամբ:

16. Ընդհանուր ժողովի որոշումները ընդունվում են մասնակիցների ընդհանուր թվի ձայների պարզ մեծամասնության սկզբունքով:

17. Ընդհանուր ժողովը գումարվում է առնվազն տարին երկու անգամ:

18. Ընդհանուր ժողովն իրավասու է, եթե նրա աշխատանքներին մասնակցում են ընդհանուր ժողովի անդամ հանդիսացող ներկայացուցիչների կեսից ավելին:

19. Ընդհանուր ժողովի արտահերթ նիստ իրավիքովում է Խորհրդի նախագահի որոշմամբ կամ ընդհանուր ժողովի անդամների առնվազն 1/3-ի որոշմամբ: Ընդհանուր ժողովի արտահերթ նիստի օրակարգը ներկայացվում է վերջինիս իրավիքողների նախաձեռնությամբ:

20. Ընդհանուր ժողովը՝

1) հաստատում է նախագահության կողմից առաջադրված խորհրդի կանոնադրությունը կամ կանոնադրության փոփոխությունները, որը ներկայացվում է ՀՀ կրթության և գիտության նախարարի հաստատմանը,

2) քննարկում է ընթացիկ և հեռանկարային հարցեր,

3) ընտրում է Խորհրդի նախագահին, փոխնախագահներին, քարտուղարին, որոնք հանձնաժողովների, ակումբների և ֆակուլտետների ուսանողական խորհուրդների նախագահների հետ համատեղ կազմում են նախագահություն,

4) լսում և հաստատում է նախագահի տարեկան հաշվետվությունը խորհրդի կատարած աշխատանքների մասին:

21. Խորհրդի նախագահը՝

- 1) ղեկավարում է Խորհրդի աշխատանքները.
- 2) տնօրինում է Խորհրդի ֆինանսական միջոցները.
- 3) ներկայացնում է Խորհուրդը ՀՊՄՀ-ում և ՀՊՄՀ-ից դուրս փոխհարաբերություններում,
- 4) ընդունում է որոշումներ, տալիս հրամաններ, հանձնարարականներ և կարգադրություններ, հրավիրում է Խորհրդակցություններ և իրականացնում ընդհանուր վերահսկողություն Խորհրդի գործունեության նկատմամբ.
- 5) կարող է առաջադրել հանձնաժողովների ու ակումբների նախագահների թեկնածությունը, որը հաստատվում է նախագահության կողմից, ինչպես նաև նշանակում է ֆակուլտետի ուսանողական Խորհրդի նախագահի ժամանակավոր պաշտոնակատար մինչև ընտրությունները.
- 6) ընդունում է ֆակուլտետների ուսանողական Խորհուրդների, հանձնաժողովների և ակումբների նախագահների հաշվետվությունները և հաստատում է նրանց ներկայացրած ծրագրերը.
- 7) իր բացակայության ժամանակահատվածում նախագահի պաշտոնակատար է նշանակում փոխնախագահներից մեկին, իսկ վերջիններիս բացակայության դեպքում քարտուղարին կամ նախագահության այլ անդամի.
- 8) օրենսդրությամբ սահմանված կարգով իրականացնում է իրեն վերապահված այլ լիազորություններ:

22. Խորհրդի փոխնախագահներից յուրաքանչյուրը զբաղվում է որոշակի թվով ֆակուլտետների, հանձնաժողովների և ակումբների աշխատանքների համակարգմամբ: Նախագահի բացակայության պայմաններում նախագահի կողմից նախագահի պաշտոնակատար նշանակված փոխնախագահը կատարում է նախագահի պարտականությունները:

23. Խորհրդի քարտուղարը ղեկավարում է քարտուղարության աշխատանքները: Նախագահի և փոխնախագահների բացակայության դեպքում կատարում է նախագահի պարտականությունները:

24. Խորհրդի նախագահությունը աշխատանքային նիստեր է գումարում առնվազն շաբաթը մեկ անգամ: Նախագահությունը՝

- 1) համակարգում է ֆակուլտետների Խորհուրդների, հանձնաժողովների և ակումբների գործունեությունը.
- 2) դադարեցնում է իր լիազորությունները ժամկետից շուտ ընդհանուր ժողովի անդամների պարզ մեծամասնության որոշմամբ:

25. Խորհրդի հանձնաժողովներն են՝

- 1) մշակույթի.
- 2) սոցիալական.
- 3) արտաքին կապերի.
- 4) սպորտի և առողջ ապրելակերպի.
- 5) որակի.
- 6) լրատվական.
- 7) կազմակերպչական:

26. Խորհրդի ակումբներն են՝

- 1) ինտելեկտուալ.
- 2) բնապահպանության.
- 3) բանավեճի:

27. 25-րդ և 26-րդ կետերում նշված ոլորտներին չառնչվող կարևոր այլ հարցերով զբաղվելու համար նախագահությունը կարող է ստեղծել մշտական կամ ժամանակավոր այլ հանձնաժողովներ ու ակումբներ:

28. Հանձնաժողովներն ու ակումբները կարող են ունենալ իրենց կանոնակարգերը, որոնք չեն հակասում խորհրդի կանոնադրությանը և հաստատվում են ընդհանուր ժողովում:

29. Խորհրդի նախագահության մեջ մտնում են Խորհրդի նախագահը, փոխնախագահները, քարտուղարը, ֆակուլտետների ուսանողական խորհուրդների նախագահները, հանձնաժողովների և ակումբների նախագահները և Խորհրդի նախագահի նախաձեռնությամբ այլ անձինք: Խորհրդի նախագահության անդամների լիազորությունների ժամկետը երկու տարի է:

30. Ֆակուլտետի ինքնակառավարման բարձրագույն մարմինը ֆակուլտետի ուսանողական խորհուրդն է:

31. Ֆակուլտետի կուրսերի, ուսանողների թվի համամասնության սկզբունքով (յուրաքանչյուր 50 /հիսուն/ ուսանողին մեկ ներկայացուցիչ) ընտրված, ներկայացուցիչները միասին կազմում են ֆակուլտետի ուսանողական խորհրդի ընդհանուր ժողով, որի կազմը հաստատում է ՀՊՄՀ ուսանողական խորհրդի նախագահը: Ֆակուլտետի ընդհանուր ժողովը որոշումներ կայացնում է ներկա անձանց ձայների պարզ մեծամասնությամբ:

32. Ֆակուլտետի ընդհանուր ժողովն ընտրում է ֆակուլտետի ուսանողական խորհրդի նախագահին, փոխնախագահներին և քարտուղարին 2 տարի ժամկետով:

33. Ֆակուլտետի ուսանողական խորհրդի նախագահը, փոխնախագահները, քարտուղարը, հանձնաժողովների ու ակումբների նախագահները միասին կազմում են ֆակուլտետի ուսանողական խորհրդի նախագահություն:

34. Ֆակուլտետի ուսանողական խորհրդի հանձնաժողովների ու ակումբների նախագահները հանդիսանում են ՀՊՄՀ ուսանողական խորհրդի համապատասխան հանձնաժողովների ու ակումբների անդամներ:

35. Ֆակուլտետի ուսանողական խորհուրդը պարբերաբար ՀՊՄՀ ուսանողական խորհրդի նախագահությանն է ներկայացնում ֆակուլտետի ուսանողների խնդիրները, բողոքներն ու առաջարկությունները:

36. Ֆակուլտետի ուսանողական խորհրդի նիստերը գումարվում են ոչ ուշ, քան երկու շաբաթը մեկ անգամ: Ֆակուլտետի խորհուրդը նախագահության անդամների ընդհանուր թվի կեսից ավելիի պահանջով կարող է հրավիրել արտահերթ նիստ:

37. Ֆակուլտետային ուսանողական խորհրդի նախագահությունն իր լիազորությունները դադարեցնում է ֆակուլտետի ուսանողական խորհրդի ընդհանուր ժողովի անդամների կեսից ավելիի որոշմամբ կամ ՀՊՄՀ ուսանողական խորհուրդի նախագահի որոշմամբ՝ իրեն տրված պարտականությունները չկատարելու կամ ոչ կանոնակարգային գործունեություն ծավալելու դեպքում:

#### 4. ՖԻՆԱՆՍԱԿԱՆ ՄԻՋՈՑՆԵՐԸ

38. Խորհրդի գործունեության ապահովման համար հատկացվում են ֆինանսական միջոցներ ՀՊՄՀ-ից, ֆիզիկական և իրավաբանական անձանցից, ինչպես նաև օրենքով չարգելված այլ աղբյուրներից:

39. Խորհրդին կարող են տրվել նվիրատվություններ, հանգանակություններ:

40. Խորհրդի ֆինանսական միջոցները գոյանում են ՀՊՄՀ-ի հաշվին կատարվող մասհանումներից, նվիրատվություններից, հանգանակություններից և ՀՀ օրենսդրությանը չհակասող այլ աղբյուրներից:

## 5. ԽՈՐՀՐԴԻ ԳՈՐԾՈՒՆԵՈՒԹՅԱՆ ԴԱԴԱՐՈՒՄԸ

41. ՀՊՄՀ ուսանողական խորհրդի գործունեությունը դադարում է ՀՀ օրենքներին համապատասխան, ինչպես նաև Խորհրդի ընդհանուր ժողովի անդամների թվի 2/3-ի որոշմամբ: